



Inatsisartuni ilaasortaq
Laura Tàunâjik, Siunut
/Maani

Eqqagassanik ulorianaatilinnik tigooraaviit pillugit § 37 naapertorlugu apeqqut nr. 192-imut akissut

02. august 2016
Sagsnr. 2016-11545
Dok. Nr.

Asasara Laura Tàunâjik

Postboks 1614
3900 Nuuk
Tlf. (+299) 34 50 00
Fax (+299) 34 54 10
E-mail: pann@nanoq.gl
www.naalakkersuisut.gl

18. juli 2016-imi eqqagassanik ulorianaatilinnik tigooraaviit pillugit arlalinnik Naalakkersuisunut apeqquteqarput. Apeqqutit uannut akisassanngorlugit innersuunneqarput.

1. Illoqarfinni sorlarni eqqakkanik ulorianartunik tigusinermi igitsinermullu sulì atortorissaarutilersorneqangila?

Namminersorlutik Oqartussat illoqarfinni tamani eqqagassanik ulorianaatilinnik tigooraavinnik sanaartornissamut kommuninut tapiissuteqarput. 2015-imi illoqarfiit kingulliit marluk, Qaanaaq aamma Qasigiannugit, tigooraaviliornissamut tapiiffigineqarput. Taamaallilunilu kommunit eqqagassanik ulorianaatilinnik tigooraaviit kingulliit sanallugit ingerlappaat.

2. Nunatta nunaqarfii qanoq amerlatigisut sulì eqqakkanik ulorianartunik tigusinermi igitsinermullu sulì atortorissaarutilersorneqangillat?

Qeqqata Kommunia aamma Kommuneqarfik Sermersooq nunaqarfimmini tigooraavinnut atortussanik pisiniarnissamut Namminersorlutik Oqartussanit tapiiffigineqarput. Qaasuitsup Kommunia aamma Kommune Kujalleq nunaqarfinni tigooraavinnik sanaartornermi amigaaqarput. Nunaqarfiit sinnerini eqqagassanik ulorianaatilinnik tigooraavilersuinissaq Naalakkersuisut eqqagassalerinermi sanaartornermut pilersaarummi salliutippaat.

3. Inatsisit atuuttut naapertorlugit kommunit pisussaappat eqqakkanik ulorianartunik tigusinermi igitsinermullu atortorissaarusersuissallutik?

Kommunit eqqagassanik piaasarneq pillugu Namminersorerullutik Oqartussat nalunaarutaat 1993-imeersoq aamma uuliakunit akuutissanillu eqqagasat pillugit Namminersorerullutik Oqartussat nalunaarutaat naapertorlugu eqqakkanut immikkoortunut tamanut eqqaavissanik innersuussisussaataapput, kisiannili tigooraavinnik sananissamut pisussaaffeqaratik.

4. Illoqarfinni suli eqqakkanik ulorianartunik tigusinermi igitsinermullu atortorissaaruteqanngitsuni qanoq pilersitsinissaq naleqassava?

Illoqarfinni tamani eqqagassanik ulorianaatilinnik tigooraavinnik sananissamut tapiissuteqartoqarpoq. Containerit, illoqarfinni minnerni eqqagassanik ulorianaatilinnik tigooraavittut atorneqartut eqqarsaatigalugit, tigooraavik ataaseq 500.000 koruunit missaannik akeqarpoq.

5. Qanormi akeqassava Nunaqarfinni suli pisaarsimanngitsuni, eqqakkanik ulorianartunik tigusinermi igitsinermullu atortorissaaruteqalissappata?

Namminersorlutik Oqartussat Qeqqata Kommuniani aamma Kommuneqarfik Sermersuumi eqqagassanik ulorianaatilinnik tigooraavinnik sanaartornissamut tapiissuteqarput. Nunaqarfiit kingullit tigooraavimmut ataatsimut 30.000 koruunit missaannik tapiiffigineqarput. Eqqagassalerinermi sanaartornissamut pilersaarummi tigooraaviit kingullit sananeqarnissaat 1,2 – 1,3 mio. koruunit missaannik akeqartussatut missiliorneqarput.

Inussiarnersumik inuulluaqqusillunga

Mala Høy Kúko